

中國方志叢書·華北地方·第四二九號

據


清·巫慧修，王居正纂
清乾隆十八年刊本

影印

山西省

蒲縣志

成文出版社有限公司印行



10097895

中國方志叢書·華北地方·第四二九號

據


清·巫慧修，王居正纂
清乾隆十八年刊本

影印

山西省

蒲縣志

成文出版社有限公司印行



10097894

中華民國六十五年 月壹一版

蒲縣志

全二冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

蒲縣舊志序

先中憲宰太平時掌故漫無所考嘆曰平亦巖邑也曷無志遂謀之孝廉王公進祥斷碣閭弗搜採強半歲而志成一日予過庭呼而獻曰蚤有志而無志乎曰進之有九州之志彼時天地且闢自景中其賁志屬下耶雖然軒冕之上別有人品帖括之外另有文章收九州志爲一家言亦可了此鬚眉局矣以此盟諸心者蓋云有年緣牽於家務未能卒業頃奉命來宰於蒲蒲屬平陽與太平爲鄰邑得缺日有客謂予曰子之治蒲固刮目宰蒲者予嘆曰蒲舊

矣何至今日而始刮目也遂索蒲志閱之見其寥寥數十
案卽記載什不一二且漫無美稱予復恫恫動也曰先中
憲作平志予卽不能志九州獨不可繼先中憲之志志蒲
乎卽九州亦不過蒲之積耳於是敦求邑刺史曹春臺公
脫蒲志藁已就將授綬青氏笑上臺委永和代庖方鄧藩
復委隰州匝兩歲有奇以故四載半付之輪蹄間遂束前
稿於高閣丙寅冬方得代圃蒲蒲休養久庭無譁者鎮日
無箇事因憶笥中有曹刺史蒲志稿檢出展開祛麝撫真
剗剗補畸居然左遷予沾沾曰可以終吾志矣維時邑中

書生思明王生世彥等樂厥志告成咸謀爲十襲之藏以爲蒲寶予告曰獨不見霄練之匣乎古有寶霄練之劍者爲藏以千金之匣劍化以去猶寶匣焉蒲之士若民寶劍勿寶匣茲予修志意乎遂書之簡端竊附先中憲之志平云志固成予又有綴焉平屬縛三晉沃野而山之西蒲隰寧永之田皆石骨土皮子子殘喘皆棲穴飯砂此何地也亦隸於平屬寃哉按蒲瘠田不滿二千而糧則一萬有奇夫糧視地之饒瘠余嘗代庖隰矣見隰地饒於蒲而糧反倍於隰地瘠糧重民奈何不走險也予將去蒲無所以計

蒲姑筆數語倘動子大夫而卯翼蒲予去猶不去也如有
讓予者曰白有卯翼蒲者何予之嘒嘒予將面赤口噤而
舌不下矣遂搦管而爲之序

時天啟歲次丁卯仲冬蒲縣知縣三河羅永新撰

蒲縣舊志序

邑之有志猶國之有史各憲入境觀風首事諮詢凡以知民風察士習審土宜而借以措諸政治也余自辛亥蒞任後索蒲舊志觀之皆言自前明羅令永新修於天啟丁卯歷今幾五十年世異代遷兵燹頻加殘編數紙半付之祝融矣余爲之慨然者久之遂有纂修之志焉客秋

天子允閣臣衛文石公奏詔修大清一統志部檄各直省及府州縣皆得以一方掌故上襄盛代之鴻猷余雖不敏敢弗仰承大典於是延邑中紳衿之博雅者蒐羅校讎互

相叅訂接古續今存信關幾兩閱月而志告成余因之有感焉蒲以彈丸小邑踞萬山之中不當大縣一村落男不商賈女不紡織田居山頂民穴山腰一歲農事率惟天澤是望十日不雨則苗立稿矣且山中氣寒八月卽墮霜耕耘稍遲大半爲嚴霜所侵平屬之中瘠莫瘠於蒲矣兼之明末以來兵燹疊羅饑饉頻仍地荒丁逃司民牧者撫字心勞不知當何術以處此矣更可憫者丁徭一項包賠案案於十一年編審時目擊殘黎情形不覺惻然泣下曰余何惜一言而不爲民請命乎邇來屢經籲陳未能從請

然地方疾苦已洞然於各憲軫恤之中後之君子倘採予
言而救予遺於倒懸則十年生聚十年教訓庶幾可漸底
於富庶之望也夫

昔康熙歲次癸丑孟冬月蒲縣知縣胡必蕃撰

清果月

月

蒲志義例

一蒲志創自前明高陽韓公厥後慶陽曹公咸寧李公再易其稿三河羅公延邑人曹春臺脩之始有成書至國朝康熙癸丑孝感胡公復加增補今羅志以上不可見矣胡志大概增損羅本而簡質則又遜之茲則事採舊志體歸新裁合者分之駁者正之俚者汰之疑者缺之畧者增之卷帙三倍於前而考訂加詳一洗舊志之陋

一各志分門別類繁簡不一今列目七十有六而括以

十門門有總序目亦如之而綴論語於末或發明時勢無末或指陳地方利弊用資政要非敢辭費

一職方掌九州圖籍而稽不典圖有圖而後山川形勢遠近險夷可得而知也故縣志以圖弁其首

一山川爲邑之大庖曰大門戶有山川而疆域之位關津之界以定今與鄉鎮關隘俱詳明里數遠近一把卷而攻守扼要想見大槩不第當因遊已也

一風俗關乎一邑盛衰積習相沿漸至越禮摘其一二鄙俗附著於末一片婆心觀者諒之

一城池爲一方保障創始重脩必書以其有功德於民也公署準此

一戶口數目遵照乾隆十六年編審冊前列明代丁口可以觀時勢矣

一貢賦前載明代原額後載本朝現徵定額其歷來蠲免銀數及民間所有苦累前後互見一以紀

皇恩之浩蕩一以凜司牧之臲臲云

一錢糧數目煩碎觀者欲固茲銀數則至分厘止穀數至升合止其餘零數詳載賦役全書俱不復贅

一與校關係甚大舊志列入建置下失體要矣今另立
一門詳採歷朝選舉崇祀之盛典而終以 新制頗
稱完備不得以事同他邑而目爲雷同

一名宦鄉賢誌件績鼓將來關係最重除前令韓公外
俱未題請似爲缺典愚訓郭公力齡有功補邑不小
亦應崇祀名宦以彰公道

一治民人者先其神故秩祀另列一門其附以寺觀正
屏諸祀典外非張二氏之幟也

一職官舊志述內有明而缺略亦多今補入姓氏悉從

殘編斷碣中得之如知縣則李宴邢叔亨盧希古王
安潘從善張彪趙顯縣丞則劉統許九成畢盛王簿
則張時敏程士和巡檢則李斌王英典史則陳德新
陳圮王和唐晟韓效趙信林志會教諭則王秉鈞郭
復侯幸訓導則王士宏李欽郝章姚璣李良王錫命
凡三十人至知縣席應鸞舊府志作席鸞宣德之劉
魁作劉奎尉拱作尉恭安福作安富高應科作高應
斗字多互異闕疑以俟再攷

一選舉惟薦辟最古故首列之次進士次舉人次貢士

重科目也次上舍重異才也次武科武秩重干城之選也

一封贈爲榮親大典故特附選舉之後其誥勅則入藝文牌額則入坊表意在教忠勵孝不妨言之重複

一義節行風化攸關除照舊志登載外其續入者必經公舉呈縣驗實批允否則概不收錄

一人物志舊列晉文公於寄寓義例不合刪之其事見各志中

一藝文凡以潤色太平鼓吹風雅芟落不可羈入亦